

# Penubukaan Parlimen penuh dengan upacara warna-warni

**KUALA LUMPUR, Isnin.**—Timbalan Yang Dipertuan Agung pagi tadi merasmikan pembukaan penggal ke empat Majlis Parlimen ke empat dalam satu upacara penuh warna-warni di Bangunan Parlimen.

Upacara tersebut serta Titah Ucapan Baginda semasa pembukaan itu telah disiarkan secara langsung ke seluruh negara oleh RTM.

Keberangkatan tiba Baginda serta Tengku Ampuan Pahang di persiaran Bangunan Parlimen jam 10.00 pagi telah disambut oleh Perdana Menteri Datuk Hussein Onn dan Datin Sahlia serta Timbalan Perdana Menteri Dato Seri Dr. Mahathir Mohamad dan Datin Seri Dr. Siti Hasmah.

## Menyambut

Yang Dipertua Dewan Negara, Tan Sri Omar Yong Lim Ong dan Speaker Dewan Rakyat Tan Sri Syed Nasir Ismail juga turut menyambut keberangkatan tiba Baginda berdua.

Baginda kemudian memertika tabik Diraja dan perbarisan kawalan kehormatan terdiri dari 100 orang pegawai dan anggota batalion Ketiga Ke-10 Askar Melayu Diraja yang diketuai oleh Mejar Yunus bin Osman.

Semasa membalas tabik Diraja itu, lagu Kebangsaan, 'Negara Ku' telah dimainkan oleh Penceragam Pusat Kor Peninjau dipimpin oleh Mejar Mahmud Arshad.

## Turut hadir

Selain dari para Menteri Kabinet dan ahli-ahli kedua-dua Dewan itu, para pembesar negara dan anggota perwakilian asing di negara ini turut hadir di upacara tersebut.

Antara tetamu yang turut sama ialah satu perwakilian 15 orang dari Persatuan Parlimen Komunwel yang diketuai oleh Presidennya Encik Macpherson, yang juga Speaker Dewan Rakyat Jamaica.

Perwakilian tersebut yang tiba di sini pada 18 Mac lalu adalah dalam rangka lawatan sehingga akhir bulan ini untuk meninjau perjalanan Parlimen dan Dewan-dewan Undangan Negeri.

Turut sama dalam perwakilian ini ialah ahli-ahli persatuan itu dari New Zealand, Sri Lanka, United Kingdom, Singapura, Fiji, Canada dan New South Wales.



■TIMBALAN Yang Dipertuan Agung sedang dititipi ke Bangunan Parlimen untuk merasmikan pembukaan penggal keempat sidang Parlimen di Kuala Lumpur semalam.




■GAMBAR kiri: Dua orang Menteri dan Timbalan Menteri wanita dalam Kerajaan sekarang, Datin Paduka Hajjah Alshah Hafidah dan Senator Rafidah Aziz sedang berbicara sesuatu, mungkin mengenai kepentingan kaum wanita.

Sejak akhir-akhir ini telah timbul suruhan dari kalangan Wanita UMNO tertamanya, meminta ditambah wakil mereka sama ada dalam Dewan Rakyat atau di Dewan-Dewan Negeri.



■Perdana Menteri Datuk Hussein Onn dan Timbalannya Dato Seri Dr. Mahathir Mohamad berbalas-balik dengan Speaker Dewan Rakyat, Tan Sri Syed Nasir Ismail dan Yang Dipertua Dewan Negara Tan Sri Omar Yong Lim Ong semasa menunggu keberangkatan tiba Baginda Timbalan Yang Dipertuan Agung untuk merasmikan peridangan Parlimen di Kuala Lumpur.

Bahan asal dari Arkib  
Negara Malaysia.



★

■ **GAMBAR** bawah:  
Beberapa orang Menteri dan Timbalan Menteri yang berpakatan 'ceremonial' sedang membincangkan tentang susunan tempat duduk mereka untuk upacara pembukaan perisidangan Dewan Negara dan Dewan Rakyat semalam.

Kelihatan di tengah-tengah (berkaca mata hitam) Dato Haji Mustafa Jabar sedang memegang kertas susunan tempat duduk dengan disertai oleh dari kiri: Timbalan Menteri Dalam Negeri Encik Rats Yatim, Timbalan Menteri Pertahanan Encik Mokhtar Hashim dan di hujung sekali Timbalan Menteri Perdagangan dan Perindustrian Encik Abdul Manan Othman. Berdiri membelakangkan kamera ialah Menteri Kewangan Tanah dan Ekomajuan Wilayah Terengganu Sri Abdul Kadir Yusof. — Gambar Berita Harian.

